

**CONVENIO DE COLABORACIÓN ENTRE A CONSELLERÍA DE CULTURA, EDUCACIÓN, FORMACIÓN PROFESIONAL E UNIVERSIDADES DA XUNTA DE GALICIA E O CONCELLO DE LALÍN PARA DIFUNDIR A FIGURA DE LAXEIRO NO ANO LAXEIRO 2022.**

Dunha parte, Román Rodríguez González, actuando en representación da Xunta de Galicia, en virtude do seu cargo de conselleiro de Cultura, Educación, Formación Profesional e Universidades, para o que foi nomeado polo Decreto 60/2022, do 15 de maio, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa Presidencia e o artigo 2 da Resolución do 8 de abril de 1991, pola que se publica o acordo do Consello da Xunta de Galicia do 27 de marzo de 1991.

Doutra, José Crespo Iglesias, NIF 33841334P, na súa calidade de alcalde do Concello de Lalín, con CIF P3602400H, en virtude do disposto no artigo 61 da Lei 5/1997, da Administración Local de Galicia, do artigo 21 da Lei 7/1985, do 2 de abril, reguladora das bases do réxime local e do artigo 24 do Real Decreto Legislativo 781/1986, do 18 de abril, do texto refundido das disposicións legais vixentes en materia de réxime local.

Ambas as partes teñen plena capacidade para levar adiante este convenio e,

**EXPOÑEN:**

A Consellería de Cultura, Educación, Formación Profesional e Universidades é o órgano da Administración da Comunidade Autónoma ao que lle corresponden as competencias en materia de creación e difusión cultural. Dentro de ese ámbito de actuacións vén desenvolvendo unha serie de actuacións encamiñadas á divulgación e promoción da cultura para achegar o máis posible o noso patrimonio cultural á sociedade en xeral.



A Consellería de Cultura, Educación, Formación Profesional e Universidades e o Concello de Lalín consideran de interese público realizar accións conxuntas con motivo do ano Laxeiro 2022.

De conformidade co disposto nos artigos 25.1 e 2 da LRBRL e 80.1.e 2 da LALG, respectivamente, o Concello ten como competencias, na localidade de Lalín, entre outras a promoción da actividade turística de interese e ámbito local, a promoción da cultura, actividades e instalacións culturais, e a promoción do deporte e instalacións deportivas e de ocupación do tempo libre.

A Real Academia Galega das Belas Artes acorda adicar a José Otero Abeledo "Laxeiro" (veciño e Fillo Ilustre de Lalín) o Día das Artes Galegas do ano 2022, para afondar e difundir a súa figura decisiva no desenvolvemento e difusión da arte galega no século pasado.

Con motivo do Ano Laxeiro 2022, o Concello de Lalín, no exercicio das súas competencias, organiza unha programación cultural específica para o ano Laxeiro. Dentro desta programación cultural, realízase a seguinte actuación:

**Documental Laxeiro sempre laxeiro. Laxeiro e as súas orixes, contemporáneos, obra artística e a súa herdanza.**

A reportaxe leva por título: Laxeiro, sempre Laxeiro. Consta de varias entrevistas a xente que formou parte do seu entorno, tanto na vida privada de Laxeiro coma na súa traxectoria artística.

Para dar visibilidade á figura de Xosé Otero Abeledo, é necesario contar con novas formas de divulgación nas redes sociais e para estar, de forma permanente, a disposición do alumnado de toda Galiza e dos diferentes colectivos que visitan o Museo. Este documental sitúanos na época que lle tocou vivir 1908-1996 (entre guerras, difícil supervivencia, emigración, fame, a Galiza profunda...) para así poder comprender a temática das obras, que a pesares de renovar a súa pintura, nunca esqueceu as súas orixes.



“LAXEIRO SEMPRE LAXEIRO” é un proxecto documental que acerca os detalles máis destacados na vida de Xosé Otero Abeledo “Laxeiro”. A modo de crónica da súa vida desde que nace en Lalín en 1908. O documental constrúese mediante as declaracións dos diferentes entrevistados, que nos van acercando ao aspecto persoal con anécdotas, momentos vividos en primeira persoa co pintor Laxeiro. O contido constrúese arredor destas achegas e todos eles dan versións diferentes o que fai que se vexa as diferentes vivencias dos entrevistados, que están apoiadas e cubertas cos recurso gráficos e audiovisuais de época e actuais. Serven para introducir e desenvolver, de modo dinámico e didáctico, o máis destacado das diferentes etapas da vida de Laxeiro.

Para achegar os diferentes contidos, apóstase por un proxecto documental dividido en catro bloques narrativos que segue un orde cronolóxico da vida de Laxeiro.

A Consellería de Cultura, Educación, Formación Profesional e Universidades e o Concello de Lalín teñen un interese común e coincidente en afondar e difundir a figura de LAXEIRO no Ano Laxeiro 2022.

Polo exposto, ambas as entidades acordan asinar un convenio de colaboración para o ano 2022, que se rexerá polas seguintes,

## **CLÁUSULAS**

### **PRIMEIRA.- Obxecto e actuacións**

É obxecto deste convenio establecer as condicións polas que se rexerá a colaboración entre a Consellería de Cultura, Educación, Formación Profesional e Universidades e o Concello de Lalín para afondar e difundir a figura de Laxeiro no Ano Laxeiro 2022.

Custo total da actuación: 14.507,90€:

Documental Laxeiro sempre laxeiro. Laxeiro e as súas orixes, contemporáneos, obra artística e a súa herdanza.



Dada a especificidade e exclusividade das actuacións a realizar non é posible promover a concorrência, polas especiais características das actividades e da entidade coa que se convenia.

De acordo coa planificación estratéxica realizada pola Secretaría Xeral de Cultura, para o ano 2022, e dada a especificidade e exclusividade das actividades a realizar baseadas en criterios obxectivos, a sinatura deste convenio encádrase dentro dos previstos nese plan.

### **SEGUNDA.- Financiamento**

O custo total estimado da actuación prevista no convenio ascende a un total de 14.507,90 €

A Consellería de Cultura, Educación, Formación Profesional e Universidades contribuirá no desenvolvemento das actuacións previstas neste convenio coa achega total de 12.000 €, para o que existe crédito axeitado e suficiente na partida orzamentaria 10.40.432B.640.0, proxecto 2015 370.

O Concello de Lalín achegará con cargo aos seus fondos a cantidade restante, 2.507,90 €.

No caso de que a xustificación dos gastos sexa inferior ao importe de 14.507,90 €, a achega da Consellería de Cultura, Educación, Formación Profesional e Universidades diminuírase proporcionalmente.

Ditas achegas financiarán exclusivamente o custo de realización das actuacións obxecto deste convenio, sen que ningunha das partes convenientes obteña lucro ningún.

### **TERCEIRA.- O Concello de Lalín**

O Concello de Lalín encargárase de organizar, administrar e xestionar as accións necesarias para a realización das actuacións obxecto do convenio.



O Concello de Lalín deberá presentar certificacións acreditativas do cumprimento das obrigas tributarias, coa Seguridade Social e de non ter pendente de pagamento débedas coa Administración pública da comunidade autónoma.

A sinatura deste convenio implica, de ser o caso, a autorización á Consellería de Cultura, Educación, Formación Profesional e Universidades para solicitar as certificacións acreditativas de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido no Regulamento (UE) 2016/679 de protección de datos, na Lei Orgánica 3/2018, de 5 de decembro, de protección de datos persoais e garantía dos dereitos dixitais, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

#### **CUARTA.- A Xunta de Galicia.**

A Xunta de Galicia colaborará nos custos derivados da realización das actuacións de difusión da figura de Laxeiro. O importe máximo a asumir pola Consellería de Cultura, Educación, Formación Profesional e Universidades ascende a 12.000 €.

#### **QUINTA.- Xustificación dos gastos e pagamento.**

A documentación requirida na fase xustificativa presentarase electronicamente na Carpeta do cidadán da persoa solicitante/representante, <https://sede.xunta.es/carpeta-do-cidadan>.

Segundo se vaian realizando as actividades recollidas na cláusula primeira deste convenio, a Concello de Lalín poderá presentar xustificación por cada unha das actividades realizadas e rematadas. Para elo presentará electronicamente a seguinte documentación:

- Unha memoria de actuación xustificativa do cumprimento das condicións obxecto deste convenio, con indicación das actividades realizadas e dos resultados obtidos.



- Unha memoria económica xustificativa do custo das actividades realizadas que conterá:
  - ✓ Unha relación clasificada dos gastos e investimentos da actividade, con identificación do acredor, do importe, data de emisión e data de pagamento.
  - ✓ As facturas ou documentos de valor probatorio equivalente incorporados na relación a que se fai referencia no parágrafo anterior e a documentación acreditativa do pagamento.

Aos efectos desta xustificación, consideraranse os gastos realizados no ano 2022 a partir da data de sinatura do presente convenio e que respondan á natureza da actividade realizada.

O prazo máximo para a presentación da documentación xustificativa é o 15 de decembro de 2022

A Concello de Lalín responsabilizarase da veracidade dos documentos que presenten.

#### **QUINTA.- Rexistro de convenios. Transparencia e bo goberno**

As partes asinantes deberán cumprir coas obrigas derivadas da entrada en vigor da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.

Así mesmo, a Concello de Lalín acepta e consinte a remisión do convenio, logo da súa sinatura, ao Rexistro de Convenios da Xunta de Galicia.

#### **SEXTA. Dereitos sobre a información e titularidade dos resultados. Difusión da colaboración das partes.**

Os resultados froito deste convenio, tales como dípticos, catálogos, publicacións e demais material obtido, serán de titularidade e uso común da Consellería de Cultura, Educación, Formación Profesional e Universidades e do Concello de Lalín. Os



resultados quedarán para futuras edicións e ambas as dúas partes poderán utilizalos nun futuro indistintamente.

A Consellería resérvase o dereito de publicar os resultados, parciais ou finais, obtidos durante a execución do convenio que, en todo caso, terán carácter público.

En calquera caso a Concello de Lalín poderá facer uso dos coñecementos adquiridos durante a realización do programa en actividades propias da súa función.

Calquera transformación dos resultados do programa de colaboración conxunta requirirá o consentimento expreso das partes asinantes do convenio.

Nas actuacións informativas e divulgativas e nas publicacións que se fagan relacionadas coas actividades deste convenio farase constar, nun lugar destacado, a colaboración das partes e utilizaranse, cando proceda, os anagramas de cada unha das entidades aprobados pola normativa de identidade corporativa.

Sexa cal for o medio de difusión, cada unha das partes comprométese a facer mención das outras partes e deste convenio.

O uso e a difusión sobre os resultados, publicacións e demais materiais terán carácter gratuíto para as partes asinantes do convenio, logo do consentimento da outra parte.

#### **SEXTA.- Vixencia**

O presente convenio estenderá a súa vixencia dende a súa sinatura e ata o 31 de decembro de 2022.

#### **SÉTIMA.- Comisión de seguimento**

Créase unha comisión mixta de seguimento para aclarar as dúbidas derivadas da interpretación e execución deste convenio, formada polo secretario xeral de Cultura da Consellería de Cultura, Educación, Formación Profesional e Universidades ou a persoa en quen delegue, e o alcalde do Concello de Lalín ou a persoa que designe en substitución.

#### **OITAVA.- Modificación denuncia e rescisión do convenio**



As partes poderán denunciar ou modificar o presente convenio en calquera momento por mutuo acordo.

O incumprimento de calquera das obrigas contraídas no presente convenio por unha das partes facultará á outra para rescindilo, quedando automaticamente anulados todos os dereitos correspondentes sobre o obxecto do programa de colaboración conxunta, pero non así as obrigas contraídas no mesmo.

#### **NOVENA.- Responsabilidade das actuacións**

O asinamento deste convenio non implica relación laboral, contractual ou de calquera outra índole entre os profesionais que vaian desenvolver as actividades previstas e a Xunta de Galicia, de tal xeito que a esta non se lle poderá esixir responsabilidade ningunha, nin directa, nin subsidiaria, polos actos ou feitos acaecidos no desenvolvemento do convenio.

#### **DÉCIMA.- Protección de datos de carácter persoal e garantía dos dereitos dixitais**

As partes asinantes comprométese a cumprir, en todo momento, as disposicións contidas na normativa básica estatal e autonómica que xustifica a lexitimidade do tratamento dos datos persoais e dereitos dixitais.

Na aplicación deste convenio respectaranse cantas esixencias establece o Regulamento UE 679/2016 xeral de protección de datos e a Lei orgánica 3/2018, do 5 de decembro (BOE 06/12/2018) de protección de datos persoais e garantía dos dereitos dixitais, adoptando cantas medidas resulten necesarias para cumprir as súas previsións e, en particular, para garantir a seguridade e integridade dos datos persoais e dos dereitos dixitais e, a súa protección fronte alteracións, perdas, tratamentos ou accesos non autorizados.

Serán de aplicación todos os dereitos e obrigas derivados da normativa aplicable en materia de protección de datos e garantía dos dereitos dixitais.

#### **DÉCIMO PRIMEIRA.- Administración dixital**



As partes asinantes deste convenio respectarán cantas esixencias establece a Lei 4/2019, do 17 de xullo, de administración dixital de Galicia (DOG 26 de xullo de 2019), que será aplicable ao sector público autonómico, integrado, de acordo co artigo 3 da Lei 16/2010, do 17 de decembro, de organización e funcionamento da Administración xeral do sector público autonómico de Galicia, pola Administración xeral e polas entidades instrumentais e, tamén, será aplicable á cidadanía que ten o deber de utilizar os servizos públicos dixitais que se poñan a súa disposición de xeito adecuado, co respecto das normas de uso, xerais ou específicas, que se establezan para cada un dos servizos e, en particular, os cidadáns e as cidadás deberán utilizar os sistemas de identificación e de sinatura electrónicas de que sexan lexítimos titulares, usar a información dispoñible conforme a política de privacidade publicada e respetar a normativa en materia de protección de datos de carácter persoal (artigos 2 a) e b) e 7 apartados 1 e 2 respectivamente da citada lei).

#### **DÉCIMO SEGUNDA.- Normativa aplicable e xurisdición**

Aínda que é un dos excluídos do ámbito de aplicación da Lei 9/2017, do 8 de novembro, de contratos do sector público (BOE 9-11-2017) segundo especifica o seu artigo 6, ao non previsto e de acordo co artigo 4 da citada lei aplicaráselle os principios recollidos nela, co fin de resolver as dúbidas e omisións que puidesen presentarse. Así mesmo, supletoriamente terase en conta o Decreto legislativo 1/1999, do 7 de outubro, pola que se aproba o texto refundido da Lei de réxime financeiro e orzamentario de Galicia e demais normativa vixente na materia.

Este convenio ten natureza administrativa. A xurisdición contencioso administrativa será competente para dirimir as cuestións que puidesen xurdir da aplicación deste convenio.

Será de aplicación a Lei 40/2015, do 1 de outubro, de réxime xurídico do sector público.

#### **DÉCIMO TERCEIRA.- Notificación electrónica**



Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

Ao estaren as dúas partes conformes co pactado, asinan telematicamente este convenio.

Pola Consellería de Cultura, Educación,  
Formación Profesional e Universidades

Pola Concello de Lalín

Román Rodríguez González

José Crespo Iglesias

